



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTO 0016506 20  
Sarajevo, 28.12.2022. godine

**SUD BOSNE I HERCEGOVINE**  
**SARAJEVO**  
**Sudiji za prethodno saslušanje**

Na osnovu člana 35. stavovi 1. i 2. tačke i), te člana 226. i 227. Zakona o krivičnom postupku Bosne i Hercegovine (ZKP BiH), p o d i ž e m:

**OPTUŽNICU**

**PROTIV:**

1. **Jakupović Admira**, [redacted], rođenog 1980. godine [redacted] opština Ilidža, [redacted] državljanina Bosne i Hercegovine, [redacted]
2. **Hatić Edina**, [redacted] rođenog [redacted] 1986. godine u Sarajevu, [redacted] državljanina Bosne i Hercegovine, [redacted]
3. **Ljumić Ermina**, [redacted] rođenog [redacted] 1989. godine u Sarajevu, [redacted] državljanina Bosne i Hercegovine, [redacted]

**Džanko Abdulaha,** [redacted] rođenog  
1984. godine u Sarajevu,  
[redacted]  
državljanina Bosne i Hercegovine,  
[redacted]

**Serdarević Mirze,** [redacted] rođenog  
1980. godine u Sarajevu,  
[redacted]  
državljanina Bosne i Hercegovine,  
[redacted]

**Hodžić Melira,** [redacted] rođenog [redacted] 1990.  
godine u Sarajevu,  
[redacted]  
državljanina Bosne i Hercegovine,  
[redacted]

**Hodžić Samira,** [redacted] rođenog  
1976. godine u Sarajevu,  
[redacted]  
državljanina Bosne i Hercegovine,  
[redacted]

**Fazlić Al Rijada,** [redacted] rođenog  
1991. godine u Sarajevu,  
[redacted]  
državljanina Bosne i Hercegovine,  
[redacted]

**Kadić Almedina,** [redacted] rođenog  
1992. godine u Trnovu,  
[redacted]  
državljanina Bosne i  
Hercegovine,  
[redacted]

## Što su:

1. U periodu od januara 2020. godine do 10.05.2021.godine, postojali kao grupa za organizovani kriminal u smislu odredbe člana 1. stav (22 ) KZ BiH, koju grupu su, radi sticanja materijalne koristi, organizovali [REDACTED]

[REDACTED] i čiji su pripadnici bili **Jakupović Admir, Serdarević Mirza, Hatić Edin, Ljumić Ermin, Hodžić Melir, Hodžić Samir, Džanko Abdulah, Fazlić Al Rijad i Kadić Almedin** te [REDACTED], a koja grupa je djelovala na području Bosne i Hercegovine, Kraljevine Nizozemske i Republike Francuske, sporazumno i zajednički, s ciljem izvršenja krivičnog djela "Neovlašteni promet opojnim drogama" iz člana 195. stav. 1. KZ BiH i krivičnog djela „Neovlašteni promet oružjem i vojnom opremom te proizvodima dvojne namjene“ iz člana 193. st.1. KZ BiH, a koja djela su i izvršena u periodu djelovanja grupe, svjesni da nemaju odobrenje nadležnog organa za prodaju, prenos, kupovinu, držanje, prevoz, slanje, isporuku, uvoz i izvoz, supstanci ili preparata koji su propisom proglašeni opojnim drogama i to neovlašteni promet opojnim drogama „Heroin“ i „Kokain“ i amfetaminskim uljem (amfetamin) koje opojne droge su Konvencijom o psihopatskim supstancama iz 1971. godine i popisom opojnih droga psihotropnih tvari, biljaka iz kojih se može dobiti opojna droga i prekursora (Sl. glasnik BiH br. 08/06, 103/08 i 51/11), proglašene opojnom drogom i čiji se promet može obavljati samo na temelju dozvole nadležnog organa u skladu sa Zakonom o proizvodnji i prometu opojnih droga ("Službeni list R BiH" br. 2/92 i 13/94), te svjesni da nemaju dozvolu nadležnog organa za izvoz, prevoz, posredovanje u prometu oružja, a čiji je promet bez dozvole zabranjen ili ograničen Zakonom o kontroli vanjskotrgovinskog prometa oružja, vojne opreme i robe posebne namjene (Službeni glasnik broj 53/16) tako što su [REDACTED] vršili nabavku opojne droge „Heroin“ i „Kokain“ kao i amfetaminskog ulja (Amfetamin), najčešće u Kraljevini Holandiji a zatim, preko pripadnika grupe, organizovali transport iste u Bosnu i Hercegovinu i to [REDACTED] za transport opojne droge „Heroin“ i „Kokain“ angažovao **Hatić Edina** a [REDACTED] za transport amfetaminskog ulja angažovao **Jakupović Admira** te preko **Jakupović Admira** i **Ljumić Ermina**, čiji je zadatak bio da, a nakon što [REDACTED] nabave navedenu opojnu drogu, otputuju u Kraljevinu Nizozemsku i od [REDACTED] preuzmu istu a zatim je sakriju u putničkim motornim vozilima koja su koristili prilikom putovanja te na taj način istu prenesu u Bosnu i Hercegovinu, a Ljumić Ermin je imao i zadatak da prethodno izveze oružje iz Bosne i Hercegovine u Republiku Francusku, dok su pripadnici grupe **Serdarević, Mirza, Hodžić Melir, Hodžić Samir, Džanko Abdulah, Fazlić Al Rijad i Kadić Almedin** imali zadatak da

opojnu drogu, a nakon što se ista transportuje u Bosnu i Hercegovinu, sakriju, čuvaju, miksaju, te nakon što nabave kofein, metanol i druge sastojke te koristeći amfetaminsko ulje proizvedu opojnu drogu „Speed“ a zatim izvrše međusobnu preraspodjelu opojne droge radi dalje preprodaje pa je tako **Hodžić Melir** opojnu drogu sakrivao u podrumu stambene zgrade u kojoj je koristio stan koji je bio u vlasništvu **Jakupović Admir**, na adresi [REDACTED] te istu dostavljao **Jakupović Admiru** na njegov zahtjev kao i drugim pripadnicima grupe, ili im davao ključeve od podruma kako bi sami uzeli opojnu drogu, zatim **Hodžić Samir, Kadić Almedin i Fazlić Al Rijad** učestvovali u kupovini kofeina dok je **Hodžić Samir** učestvovao i u proizvodnji opojne droge „Speed“ te **Džanko Abdulah** skrivao amfetaminsko ulje u garaži porodične kuće na adresi [REDACTED] i isto dostavljao **Mirzi Serdarević i Jakupović Admiru** a po njihovom zahtjevu, a **Serdarević Mirza** takođe učestvovao u proizvodnji opojne droge „Speed“ te kordinirao aktivnosti ostalih pripadnika grupe, dok je **Fazlić Al Rijad** učestvovao i u organizaciji odlaska **Ljumić Ermina** u Kraljevinu Nizozemsku radi nabavke amfetaminskog ulja, a za međusobnu komunikaciju, kao i za komunikaciju sa pojedinim pripadnicima grupe, vezanu za dogovaranje i izvršenje navedenih krivičnih djela, [REDACTED] koristili su posebno podešene telefone sa instaliranom aplikacijom „SKY ECC“ namjenjenom za ostvarivanje zaštićene, kriptovane komunikacije kao i zaštićenu komunikacionu mrežu „ANOM“, na koji način su stekli materijalnu korist u tačno neutvrđenom iznosu pa su tako:

**Jakupović Admir, Džanko Abdulah, Serdarević Mirza, Kadić Almedin, zajedno sa** [REDACTED]

1. Dana 01.12.2020. godine, **Admir Jakupović**, iz Sarajeva, otputovao preko Međunarodnog graničnog prelaza Gradiška, na nepoznatu lokaciju u inostranstvu gdje je, a nakon što su [REDACTED] nabavili amfetaminsko ulje (amfetamin), od [REDACTED] preuzeo neutvrđenu količinu amfetaminskog ulja te isto sakrio u putničkom motornom vozilu marke Passat i dana 04.12.2020. godine, preko Međunarodnog graničnog prelaza Gradiška, prevezao u Bosnu i Hercegovinu, u Sarajevo, da bi dana 05.12.2020. godine, u dvorištu kuće **Džanko Abdulaha**, izvršena preraspodjela amfetaminskog ulja između **Džanko Abdulaha, Serdarević Mirze, [REDACTED] i Kadić Almedina** koji je ulje preuzeo za **Jakupović Admir** nakon čega su od dobijenog amfetaminskog ulja i sastojaka kao što su kofein i dr. proizveli opojnu drogu speed radi dalje prodaje.

**Hatić Edin, zajedno sa** [REDACTED]

2., Dana 03.01.2021.g, **Edin Hatić**, postupajući po uputama jednog od [REDACTED] [REDACTED] iznajmio putničko motorno vozilo marke Audi „A3“, registarskih oznaka

██████████ od firme ██████████, a zatim dana 04.01.2021. godine otputovao iz Sarajeva preko Međunarodnog graničnog prelaza Brod, u Kraljevinu Nizozemsku, u grad Breda, gdje se, sastao sa ██████████ licem koje mu je za ██████████ predao opojnu drogu „Heroin“ i „Kokain“ koju opojnu drogu je stavio u kofer te prekrpio sa ličnim stvarima, sa namjerom da istu preveze u Bosnu i Hercegovinu, u Sarajevo, da bi zatim dana 06.01.2021. godine, u 13,15 sati, prilikom povratka iz Kraljevine Nizozemske, na ulazu na autoput A1, naplatne kućice „Zenica Jug“, od strane policijskih službenika Državne agencije za istrage i zaštitu zaustavljeno vozilo kojim je upravljao, nakon čega je, na osnovu Naredbe Suda BiH, izvršen pretres navedenog vozila, kojom prilikom su pronađena i oduzeta tri paketa praškaste materije u PVC kesama od kojih su dva crne boje u prozirnim kesama i jedan žute boje u prozirnoj PVC kesi i trinaest paketa upakovanih i oblijepljenih trakom, od kojih su četiri oblijepljeni smeđom trakom i devet paketa oblijepljenih žutom trakom, u kojima se, prema nalazu i mišljenju sačinjenom od strane Federalne uprave policije, Centar za forenzička ispitivanja, vještačenja i istraživanja, a nakon provedenog hemijskog vještačenja nalazila bijela praškasta materija ukupne bruto mase 1.104,79 grama dostavljena u 2 PVC paketa koja sadrži opojnu drogu „Kokain“ a provedenom kvantitativnom analizom je utvrđeno da čistoća opojne droge (maseni udio čistog kokaina) iznosi 80% i svjetlosmeđa praškasta materija ukupne bruto mase 7 470,02 grama dostavljena u ukupno 14 PVC paketa koja sadrži opojnu drogu „Heroin“ a provedenom kvantitativnom analizom je utvrđeno da čistoća opojne droge (maseni udio čistog heroína) iznosi 45%.

**Jakupović Admir, Ljumić Ermin, zajedno sa** ██████████

3. U aprilu 2021. godine, tačno neutvrđenog dana, u Sarajevu, **Ljumić Ermin** preuzeo od **Admira Jakupovića** fiktivne dokumente i to dokument na njemačkom jeziku naslovljen „razgovor za posao“ od 14.04.2021.g. i dokument na francuskom jeziku naslovljen „obećanje zaposlenja“ od 16.04.2021.godine, koje dokumente je prethodno ██████████ pribavio od ██████████ i poslao iz inostranstva Admiru Jakupović kako bi iste predao Ljumić Erminu, prije polaska na put, jer su mu bili neophodni za kretanje u zemljama Evropske Unije, a zatim preuzeo od **Admira Jakupovića** i putničko motorno vozilo „Toyota“ reg. oznaka ██████████, a u koje vozilo je prethodno Admir Jakupović, po dogovoru sa ██████████ ██████████ uz znanje i pristanak Ljumić Ermina, sakrio tri pištolja i to: pištolj kalibra 6,35 mm, pištolj kalibra 7,65 mm i pištolj proizvođača oružja Crvena zastava kao i više komada eksploziva okruglastog i četvrtastog oblika sa upaljačem i uređajem za daljinsko aktiviranje, da bi zatim **dana 25.04.2021. godine, Ljumić Ermin**, iz Sarajeva, otputovao preko Međunarodnog graničnog prelaza „Brod“ u Republiku Francusku, gdje je navedeno oružje i eksploziv, po prethodnom

dogovoru sa Jakupović Admirom te prethodnom dogovoru Jakupović Admira i [REDAKTIRANO], preuzelo [REDAKTIRANO], nakon čega je Ljumić Ermin oputovao u Kraljevinu Nizozemsku gdje je preuzeo amfetaminsko ulje (Amfetamin) od [REDAKTIRANO], kako bi isto prevezao u Bosnu i Hercegovinu, a kako su to prethodno dogovorili Jakupović Admir i [REDAKTIRANO], da bi zatim **dana 30.04.2021. godine**, nakon što je na Međunarodnom graničnom prelazu Bosanski Brod ušao na teritoriju Bosne i Hercegovine, na magistralnom putu M17, opština Maglaj, oko 13,30 sati navedeno putničko motorno vozilo zaustavljeno i kontrolisano od strane službenika Državne agencije za istrage i zaštitu BiH, a kojim vozilom je upravljao Ljumić Ermin, kojom prilikom je na osnovu Naredbe Suda BiH izvršen pretres vozila, te u rezervoaru vozila pronađeno i privremeno oduzeto 6 pvc. boca plave boje od 07,75 l, sa bijelim čepom i natpisom [REDAKTIRANO] i 7 pvc. boca plave boje od 0,50 l, sa bijelim čepovima i natpisom [REDAKTIRANO] u kojima se, prema nalazu i mišljenju sačinjenom od strane Federalne uprave policije, Centar za forenzička ispitivanja, vještačenja i istraživanja a nakon provedenog hemijskog vještačenja nalazila bezbojna tekućina ukupnog volumena 7,975 litara koja sadrži psihotropnu supstancu amfetamin a koja supstanca se nalazi na Popisu opojnih droga, psihotropnih tvari, biljaka iz kojih se može dobiti opojna droga i prekursora, Zakona o sprečavanju i suzbijanju zloupotrebe opojnih droga (Sl. glasnik BiH broj 8/06, 103/08 i 51/11), te predstavlja amfetamin bazu (ulje) dok utvrđena čistoća amfetaminskog ulja iznosi više od 99 %.

**Dakle, Hatić Edin, Ljumić Ermin, Serdarević Mirza, Hodžić Melir, Hodžić Samir, Džanko Abdulah, Fazlić Al Rijad, Kadić Almedin i Admir Jakupović** postali pripadnici grupe koja je zajedničkim djelovanjem vršila neovlašteni međunarodni prenos opojne droge, čuvanje, sakrivanje i proizvodnju opojne droge „Spid“ radi prodaje a Ljumić Ermin i Jakupović Admir, vršili izvoz oružja i vojne opreme bez dozvole propisane Zakonom Bosne i Hercegovine.

#### **Čime su:**

**-Hatić Edin** radnjama opisanim u **preambuli i pod tač 2.** počinio krivično djelo „Organizovani Kriminal“ iz člana 250. stav 2. KZ BiH u vezi sa krivičnim djelom „Neovlašteni promet opojnim drogama „iz člana 195. stav 1. KZ BiH,

**-Ljumić Ermin** radnjama opisanim u **preambuli i pod tač 3.** počinio krivično djelo „Organizovani Kriminal“ iz člana 250. stav 2. KZ BiH u vezi sa krivičnim djelom „Neovlašteni promet opojnim drogama“ iz člana 195. stav 1. KZ BiH i u vezi sa krivičnim djelom „Neovlašteni promet oružjem i vojnom opremom te proizvodima dvojne upotrebe“ iz člana 193. stav 1. KZ BiH,

- **Jakupović Admir** radnjama opisanim u **preambuli i pod tač 1. i 3.** počinio krivično djelo „Organizovani Kriminal“ iz člana 250. stav 2. KZ BiH u vezi sa krivičnim djelom „Neovlašteni promet opojnim drogama „ iz člana 195. stav 1. KZ BiH i u vezi sa krivičnim djelom „Neovlašteni promet oružjem i vojnom opremom te proizvodima dvojne upotrebe „iz člana 193. stav 1. KZ BiH,

-**Serdarević Mirza, Hodžić Melir, Hodžić Samir, Džanko Abdulah, Fazlić Al Rijad, Kadić Almedin** radnjama opisanim u **preambuli i pod tačkom 1.** počinili krivično djelo „Organizovani Kriminal“ iz člana 250. stav 2. KZ BiH u vezi sa krivičnim djelom „Neovlašteni promet opojnim drogama„ iz člana 195. stav 1. KZ BiH.

**TUŽILAC**  
**Tužilaštva Bosne i Hercegovine**